

MISSISSAUGA HISTORICAL SOCIETY  
8088  
NEW YORK PUBLIC LIBRARY  
ASTOR LENOX TILDEN FOUNDATION





241

132349

Historia


14000



Digitized by the Internet Archive  
in 2015



Kurze  
Vnd warhafftige Historia / von einer  
Jungfrawen/welche mit etlich vnd dreissig bösen Geis-  
tern leibhaftig besessen/vnd in der Schloß Capeln zu Stearns-  
berg / im Erzherzogthumb Osterreich vnder der Enns/in  
beysein viler vom Adel/vnd ander ehlichen leut/  
genediglich darvon erlödt  
get worden.



Getruckt zu München/bey Adam Berg.  
Mit Röm. Key. May. Freyheit nit nachzutrucken.





## An Christlichen Leser.

**W**as wir mit vnsern augen gesehen/mit vnsern  
ohren gehört/vnnd mit vnsern händen gegriffen haben/  
das können/wollen vnnd sollen wir nicht verschweigen/  
sonder der warheit zu gutem/zu erbarung der Christlichen Kir-  
chen/sterckung des wahren Glaubens/besserung des sündlichen  
lebens/vnd zum preiß des hochheiligen Göttlichen Namens/  
offentlich bekennen/vnd bezeugen zuuor an/dieweil geschrieben  
ist/das ehlich vnndrhmlich sey/Gottes werck preisen/offen-  
baren/vnd verkündigen.Bezeugen derhalben/vnnd bekennen in  
der warheit mit vnsern hie vnden geschribnen namen/das sich  
also der handel mit disem besessnen/vnnd jetzt erledigten Men-  
schen verlossen/Wie Sebastianus Rhüeller/der 2. Schrifft  
Studiosus,der auch mit vnd bey gewesen/kürzlich vnd summaris-  
scher weiß erzelt vnd auffgezeichnet hat./c.

Ferdinand von Taxis Pfand Inhaber der  
Herrschaft Starzenberg.

Philipp von Taxis Pfand Inhaber der  
Herrschaft Starzenberg.

Joseph von Taxis/c.

Johann Baptista Proffen Pfand Inha-  
ber der Herrschaft Mauer.

Valentinus Regenspurgerus Patauiensis, Art.  
& Philosophiæ Baccal. der Juncffrawen  
Vetter.



## M Erzhertzogthumb Osterreich

vnder der Ens/in der Herrschafft Starnberg/  
ist den 15. vñ 16. Nouem. dises vier vñ sibenzig-  
gisten Jars ein Juncckfraw mit namen Vero-  
nica Steinerin/Hannsen Steiners von Leib-  
nitz gelasne Tochter/der zeit im Schloß Sta-  
renberg bey den Edlen vnd Vesten Herrn/Ferdinanden/Phi-  
lippen vñnd Joseph von Taxis/Gebrüdern/Innhabern ge-  
dächter Herrschafft Dienerin/vnuerschner sachen frischer vñnd  
gesunder weiß von vilen Teuffeln besessen worden: welches  
man auß disen gewissen vnsehbaren zeichen leichtelich hat abne-  
men können.

Denn erstlichen/führte sie zwö vnderchiedliche stimmen  
im reden/vnderweilen ein frembde/grobe/vnnatürliche/schwe-  
re/mannbare/schnoflete/vnd haifere stim/vnderweilen ein na-  
türliche/kleine/weibliche vñnd Juncckfrewliche stim. Mit ihrer  
angebórner stim redet sie vernünftiglich/Bescheidenlich/vñnd  
Christenlich von vilen guten sachen/betet/lobet Gott/vermanet  
auch andere zum Gebet/vnd lob Gottes/seuffzete vber ire sünd/  
vñnd vber ihren vnglauben/das sie so lang dem 3. Geist wider-  
strebt/vnd so hinleffig vnd saumig gewesen/den rechten Catho-  
lischen Glauben anzunemē. Schrier wehe vber die verfürischen  
Predicanten: Vnd benentlich vber einen mit namen Georg M.  
der sie zu Grätz in Steiren in dem Neustift vor etlichen jaren  
sol vbel vnderweisen vnd im jrigen Glauben gesterckt vñnd be-  
stetiget haben. Mit der groben vñnd schnofleten stim aber/  
flucht vñnd schalte sie greulich vñnd erschöcklich/Spoyete auß  
wider die Catholische Religion/vnd derselben bekennen vñnd  
anhenger/sang vnzüchtige Buben Lieder/vnd verkerte Psalm.  
Item Gesäng der vollen Zechbrüder: Als/Dumle dich gurs  
Weinle/Weinle dumle dich.

Zum andern/Zum offtermal höret menigklich bey nächstli-  
cher weil vñnd zeit/außerhalb der Juncckfrawen Camer vñnd  
Schloß/ein Jägerisch blasen vnd hetzen/ein haifers Bellen vnd  
wildes geschray/gleich als der Jaghund. So doch wissentlich  
das kein Jagd damaln durch die Herrn von Taxis/noch ande-  
re bestellt oder füren kommen war.



Zum dritten/Sie die Juncckfraw geschwal greulich auff/  
jetzt am Angesicht/bald beim Hals/denn bey den Brüsten/vnd  
an andern orten/hielt auch offft die händ so starck/vnnd steuff  
zu das niemand auffthun möchte/So bald man aber ein we-  
nig vom(durch Gottes krefftig wort vnnd Kirchen Gebet)ge-  
weichtem Wasser auff die geschwulst vnnd finger goß/verlur  
sie die geschwulst/vnnd die finger giengen inn den händen von  
ihnen selber widerumben auff/man kunte auch weder Speiß  
noch Trancß inn sie bringen/ohn mit eingemengtes Weich-  
wasser.

Zum vierdten/Da man vber Sie das Euangelium Joans  
nis lase:Im anfang war das wort/inn Lateinischer sprach/  
vnnd kam auff dise tröstliche wörter: Verbum caro factum est,  
Das wort ist Fleisch worden:fiel sie in onmacht.

Zum fünfften/Da der Herz Philips von Taxis kam vnnd  
mit sich gen Starenberg ein Hailthumb von dem Creuz  
CHRIJST bracht/der Juncckfrawen aber nichts daruon  
sagt/sondern den andern tag nach volbrachtem Gortßdienst  
stillschweigend solches Hailthumb dem Schneider in ein tüch-  
lein einzunähen gab/sien die Juncckfraw als bald mit unge-  
stümmen worten zu schreyen/vnnd sagt: Du Zauberscher Dieb/  
was wilt du mit dem zauberischen stück thun. Vnnd da Er  
Herz Philip von Taxis/ ihr das Hailthumb sampt einem A-  
gnus Dei an den Hals gehenckte/hat sie sich mit aller sterck gewi-  
dert/ist auch darüber in die onmacht gefallen.Vnnd ob gleich-  
wol leut vmb sie waren/deren etliche ire händ vnd arm hielten/  
also daß sie jr selbs nicht mechtig/noch mit den händen zu dem  
hals kommen konde/nach verschwunden gemelte angehenckte  
stück vom Hals zu etlichen mahln/ das niemand auß den vmb-  
stehenden/die sie gehalten/kunden abnehmen/wohin gedachte  
Hailthumb kommen weren.Vnnd so offft sie derhalben befragt  
ware/verlegten jr die Teuffel die sprach daß sie nicht antwor-  
ten kund/biß man jr in mund ein wenig vom Weichwasser nö-  
tiger/als dann erst zeigt sie den ort an.Vnnd nach der Juncck-  
frawen anzeigen/fandte man die Hailthumb bißweilen inn  
der höhe an einem Nagel/zu zeiten vnderm Stro des Berhs/  
oder an andern dergleichen orten.Die Teuffeln aber schnos-  
ten auß der Nasen Es sey lauter zauberey mit dem Hailthumb/  
vnd



vnd blesßen die so im Glauben offternante stuch anhencken/  
zauberische Schelm vnd Bößwichter/ die mit zauberey wie die  
Bettler mit Secken umgeben weren.

Zum sechsten/ Vnderweilen entdeckte sie heimliche ver-  
borgne vnbewusste sachen. Da ainst einer zu jr gieng/ vñ sprach:  
Veronica wie gehets. Antwortet sie: Wie gehets der Juncck-  
fraw zu Linz/ der du heimlich die Ehe zugesagt hast/ Ober  
welcher redt er gleich stuzet vnd verstummte: Schwur darnach  
seinen Herren denen von Taris hoch vñnd thewer/ das keinem  
menschen dise heimliche verlobnuß bewußt oder bekant sey/  
dann ihme vnd derselbigen Juncckfrawen von Linz. Wie aber  
auch die Veronica/ so newlich auß Steirn kommen vñnd vor-  
maln ob der Enns nie gewesen/ vñnd den handel ein wissen  
hab/ dessen künne er sich nit genugsam verwundern.

Zum sibenden/ Die Juncckfraw verstunde allerley zungen/  
die sunsten nur jr Mutter sprach/ als Teutsch verstehn vñnd rea-  
den kund.

Zum achten/ Das zeichen des heiligen Creutzs mocht sie  
weder sehen noch dulden/ da ein kleiner Knab bey dem Beth-  
stunde vñnd heimlich auß einem schrecken vor den Teuffeln  
die Juncckfraw an der Sollen des fuß mit dem h. Creutz be-  
zeichnete/ empfieng er ein vngestümmen stoß/ daß er ober vñnd  
ober Buglen vnd Gurglen mußte.

Zum neunnden/ Wolte sie nur durchs Fenster hinauß/ vñnd  
Gott waiß was geschehen wäre/ wenn man nit so fleissig ach-  
tung auff sie geben/ auch tag vñnd nacht bey jr gewacht vñnd ge-  
betet hette.

Zum zehenden/ Vberm Gebet der Catholischen vñnd Altes-  
glaubigen (welches sie sonst sehnlichen begerte/ so oft sie bey  
irer vernunft war) krümmete vñnd wunde sich die Juncckfraw  
selzam. speyete vñnd spürzte darüber auß/ schalt sie betlerische  
Schelm/ die von Gott nur mit Bitten vñnd bettlen alles erlan-  
gen wolten/ vñnd spewete gar häßlich mit disen oft repetierten  
vñnd erholten Worten: Bittlen bettlen/ Bettlen bittlen. Bald sie  
aber sahe einen Neuglaubigen beten/ sprach sie: Bett nur immer  
hin du thust mir mit deinem beten keinen schaden/ dich mag sch-  
wol leiden/ du thust mir nit wehe.



Auff dise vnd andere warzelchen/nimbt jr der Teuffel die  
red/drey tag vnd nacht. Als sie aber darnach widerumben reden  
mocht/begert sie Dinten vnd Papier/hueb an einen Brieff zu  
schreiben/welches sie auß verhindernuß der bösen Geister nicht  
hat können vollenden/sonder ein andere Juncffraw gebeten/  
welche den Brieff vollendet. Darinnen sie begert an die Herin  
von Taxis/dass sie jr wolten von Wien einen Jesuitter zu hülff  
bringen. Zogen derhalben die zwen elristen Herin von Taxis  
Gebüder gen Wien/vnnd brachten den gangen handel für den  
Herin Laurentio Magio/der heiligen Schrift Doctor/vnnd  
der Jesuitter daselbs Prouincialn vnd Oberisten. Diser gab inen  
zu antwort: Er hab der Herren anbringen vernommen. Weil  
aber die sachen wichtig/wölle ers mit den seinigen Berathschla-  
gen/vnd was Gottes ehr vnnd des nechsten hail betrifft/gern  
fürdern helfen.

Am dritten tag darnach nemen die Herren von Taxis/auß  
Bewilligung vnnd verordnung Prouincialis, den ehrwürdigen  
Herrn Ioannem Nicolaum Brabantinum, vnd raissen mit ime dem  
Schloß Starzenberg zu. Nahe beim Schloß begegnet inen der  
Herin von Taxis Thürrhütter oder Thorwarter/den fragt der Herr  
Ferdinandus/wie es noch ein gestalt hab vmb die Veronica.  
Er antwortet: Es stehet mit ihr vil vbler als zuuor. Vnnd sagt  
weiter: Sie hat heut vermeldet/die Herren werden heut gewiß-  
lichen von Wien kommen/vnnd einen Widderischen Schelm  
mit sich bringen/vor dem ich weichen muß. Vnd das solches die  
Juncffraw/oder vil mehr der Teuffel/auß jr geredt/haben her-  
nacher die andern im Schloß auch bestetriget. Da wir am Son-  
tag spat ins Schloß kommen/vnd von der Befesnen vns sehen  
lieffen/sieng sie vber ein Kleins an/vnd schalt alle nach einander  
wol auß/zunoran den Edlen vnnd Vesten Herrn Johannem  
Baptista Brocken/Inhabern der Herrschafft Maur/zu dem  
der Teuffel zornig vnd grimmig sprach: Du Schelm/rc bist vor  
Jaren auch Lutherisch gewesen/hast gleich zeit gehabt/es ist  
dir zu rathen gewesen/dass du dich zum Catholischen Glauben  
bekehret hast: Ich wolt dich gewißlich funden haben/welchen  
Herin das Mensch vormaln weder gesehen noch kennet hat/  
auch von ihm nichts gehört oder gewußt/was Secten er zuuor  
anhangig gewesen/vnd was Religion er jezunder were. Nach  
disem



diesem saßen wir alle zu Tisch/vnd namen das Nachtessen etw.  
Mittler zeit aber bochete der Teuffel auß der Junckfrawen/vnd  
sprach: Trotz treib mich auß du Schelm/im langen schwarzen  
Rock/Trotz Trotz/daß dich diser vnnnd jener schende. Ey wie  
fürcht ich mir nur so hart vor dir/ic. Sang darauff die vnuer  
schamtesten Lieder: Item fieng an zu jagen/vnd hetzen/wie die  
Jeger in einer Jagd zuthun pflegen/welches vnder dem Essen  
zu hören erschöcklich war.

Des andern tags / nach gehaltenem Opffer der H. Mess/  
darunder etliche Communicanten/mit dem hochwürdigen Sa  
crament versehen worden. Nach verrichtem gemainem Gebet/  
vnd gesprochener Letaney/hat Herz Joan Nicolaus zur sachen/  
das ist/ zur erledigung der Junckfrawen von bösen Geistern/  
gegriffen/vnd vnder andern mit diesem Gebetlein angefangen:

O Ihesu-Christe / das wort des Himlischen Vatters / O  
allmechtiger Gott / vnnnd Herz aller Creaturen / der du deinen  
Aposteln gewalt geben hast/zu treten auff Schlangen vnnnd  
Scorpion / vnnnd neben andern deinen wunderlichen wercken  
gelernt die Teuffel außzutreiben/durch welches krafft der Sa  
than/wie ein bliz vom Himmel herunder gefallen. Dein heili  
gen Namen ruff ich mit fürcht vnnnd zittern an/vnnnd bitt/da  
wöllest mir deinem vnwürdigen Diener alle Sünd verzeihen/  
darzu freudigkeit vnnnd macht verleihen/damit ich disen greul  
ichen Tracken mit hülff vnd beystand deines starcken arms/ge  
erost vnd sither angreifen möge. Darnach sprach er dem Teuf  
el ernstlich zu/vnnnd legte ihm auff auß beuelch Christi/daß er  
aufffahren vnnnd weichen solle/gebraucht glaubreiche vnd kreff  
tige wort. Als der gebeut dir / O Teuffel / auß diesem Ge  
schöpff zu weichen/der den Winden vnd ungestümmen Meer  
gebotten hat.

Der gebeut dir/der da befolhen hat/dich auß dem ho  
hen Himmel inn dieffisten Abgrund zuwerffen vnnnd zuuersen  
cken. Es beuilcht dirs Gott der Vatter. Es beuilcht dirs Gott  
der Son. Es beuilcht dirs Gott der heilige Geist. Es beuilcht  
dirs IESVS Nazarenus. Es beuilcht dirs das wort/welches  
Fleisch ist worden. Fahr auß du Verführer vnd Feind der war  
heit. Gib stat Christo / der dein Reich zerstört hat/der dich  
vberwunden/der dein gewehr vnnnd harnisch genommen/vnnnd  
dein

deinraub außgetheilt/der dich gestürzt hat in die eusserste finsternuß / da dir vnnnd deinen Dienern das ewig verderben bereit ist.

Mit disen vnnnd dergleichen andern gebreuchlichen Exorcismus der Christlichen Kirchen / setzet er dem Teuffel starck zu / Da furen darauff vier Teuffel bald nach einander auß / nicht ohn Hellschen gestand / also daß der ältesten Frawen Herrn Ferdinandi von Taris Haußfrawen Kindßwarterin danider sanc / vnd ein gute zeit für todt vmbgezogen ward. Da sie aber zu jr selbs wider kam / fragte man sie / was jr geschehen wår. Darauff sagte sie / es sey ihr ein vnleidenlicher gestand / von Schwebel vnd Bech in Hals kommen / hat auch solches vnflätigen geschmachens halben den ganzen tag außwerffen vnnnd vndaen müssen.

Es haben sich auch etliche Mannspersonen kaum erhalten / daß sie nicht gen Boden gefallen sein. Nach dem die vier böse Geister durch den finger Gottes außgetrieben / mainet der Priester / nun wäre keiner mehr vorhanden. Dicweil der Teuffel / da er anfangs befragt / wie vil jrer wären / allein von vieren bekennete. Nit lang aber darnach / gibt die Junckfraw allerley zeichen / daß sie der bösen Geister mehr im leib habe. Vnnnd wird Herr Johannes Nicolaus / als Exorcista verursacht / des andern tags widerumb mit den Exorcismis vnd Beschwörungen anzuhalten. Derhalben nach volbrachter Meß / darunder abermals etliche andechtiglichen Communicierten / gebet er dem Teuffel / daß er solle sagen / warumben er die Junckfrawen besessen hab. Darauff der Teuffel nach langem vilfeltigem auffzug vnd vmbschweiff / sprach: Ich muß auff die frag des Priesters antworten. Gott zwingt mich darzu / wie vngern ichs thu. Die ursach / warumb wir in sie gefaren / ist die: So lang sie starck Lutherisch blieb / war sie gewiß vnser / sampt andern vil tausend jres gleichen / die wir im netz verstrickt vnnnd gefangen halten / lieffens derhalben am leib vnueriert / So bald wir aber vermerckten / vnd vns besorgten / sie wurde abfallen / fuhren wir inn sie heuffig / ire glieder zu zermartern / vnnnd jr wo es vns erlaubt wäre / das hertz abzustossen. Wir fliegen vnd gehen vberall herum / vnd befließen vns / die leut auff vnsern weg zubringen. Wir lassen vns tragen / wir lassen vns füren / wir lassen vns trincken.



cken. Darauf gebott ihnen der Priester still zu schweigen/vnnd die Junckfraw von fernern vmbschweiff zuuerlassen. Zum warzeichen / als oft einer aufffahre / ein liecht aufzuleschen. Sprach vnder andern: Fürchtet euch vor dem/der in Isaac gesopffert/inn Joseph verkauft/im Osterlambdin geschlachtet/vnnd in menschlicher natur gecreuziget ist worden. Den fürchtet ihr Teuffeln/vnnd last auß ewrem gewalt das mensch/welches nach der bildnuß Gottes des Herren erschaffen/vnnd für welches Jesus Christus gestorben/vnnd sein kostbarliches blut vergossen hat. Weiche du vnreiner Geist/dem Gott/der dir endlich vom gedultigen Job zusezen/befolgen hat/der durch seinen getrewen knecht David/dich vom König Saul vertriebē/der durch seinen heiligen Apostel Petrum im Zauberer Simone dich vberwunden/weiche dem/in welches namen sich alle Knie biegen / für welchem die Himmel zerschmelzen / die Berg wie Wachs zerfließen/die Zell zittert/für welchen Seraphin vnd Cherubin stehen on vnderlaß/sprechen: Heilig/heilig/heilig ist der Herr Sabaoth/1c.

Da war ein trawriges/jämerliches Spectackel nicht ohn ein hergliches mitleiden aller deren/so disem Actu beygewonet/zusehen. Die Teuffel rumorten vnd polderten in der Junckfrawen vnßäglich/vnnd stießen in jr/wie die Wider auff einander/siengen an/die Magd auff das erschröckligist zu peinigen vnd quelen/alleglieder zu recken vnnd strecken.Das angesicht/Hals vnd Brust vnmenslich auffzublasen.Namen jr das Gesicht/das Gehör/vnnd die Rede/krümmeten/Bogen vnd flochten sie inn einander/wie ein Kugel.Dieweil aber der Exorcista immer fort procedirt wider die Teuffel/fuhren vber die dreissig nach einander auß innerhalb zehen stunden/(dan so lang wehret der Exorcismus)vnnd zum zeichen irer auffart werden die angezündten Kerzen/der eine der Priester/die ander aber Herr Ferdinandus zimlicher langer Statur/fern von der Befessnen/inn der höhe hielt/von einem jeden Teuffel mit einem starcken platz außgeblasen/auch ein jeder ließ der Junckfrawen ein solche leze/dass sie allweg musste/wie ein todte inn onmacht hinfallen. Sonderlich aber der letzte Teuffel sperrete vnd spreizete sich gar lange/he er das Zimmer raumete/Schriert gar kläglich

B

vnd

vnd entschlich: Wehe mir/wehe mir/ich muß vil leiden/haß/  
haß/haß/ich bin der anführer gewesen. Darumb muß ich zum  
lengsten leiden/ich bin der erst in jr gewesen/vnnd muß der letzte  
dauon sein. Der Priester nimbt das hochwürdige Sacrament/  
helts für ihn/vnnd bevilcht dem Teuffel mit grossen ernst/Er  
sol Christo/der warhafftig vnnd leibhafftig gegenwertig/die  
ehr geben/vnnd außweichen. Da antwortet der Sathan: Ich  
schwöre euch bey dem namen Jesus/das ich außfaren wil. Je-  
sus ist so wol mein Gott/als erwer/ich hab mich wöllen erhö-  
hen/aber ich bin ernidiget vnnd gestürzt worden. Ein schöner  
Engel war ich/nun bin ich ein vnflätiger Engel/2c. Ich ver-  
maint/ich wär der stärckste/vnnd bin der schwächste/haß/  
haß/haß.

Schließlichen/wiewol sie von fünff starcken Männern  
gehalten war/platzte der Teuffel doch auß gifftigem zorn nach  
dem Altar tuch/vnd riß damit alles vom Altar/sampt dem Co-  
poral vnnd zugeschloßnem gefäß/darinnen das hochwürdig  
Sacrament war. Zupffet etliche spannen hoch von der Erden.  
Sprang auffs Corporal/vnnd trats mit füßen. Also vnnd mit  
solchem Valet vnd vilaub/nam der letzte Teuffel sein abschied/  
warff darzu zwen Stein/einen inn die Capellen/den andern in  
Zoff des Schloß/doch ohn verletzung einiges Menschen. Die  
Magd aber fiel in die onnmacht vor dem Altar/vnd lag alda ein  
gute zeit/wie ein todte. Darnach so bald die Juncffraw zu ihr  
selber kam/saget sie Gott innigklich danck/der sie vor der ge-  
walt vnd tyranny der bösen Geister erlöset het. Schwörete ab  
dem Lutherischen Glauben/vnnd bekehrte sich zum Catholi-  
schen/Beichtete dem Priester ihre Sünd ihres ganzen lebens/  
mit weinenden augen/vnd empfienng darauff das aller heiligi-  
ste Sacrament des Altars mit sonderlichen freuden vnnd trost  
res hertzens. Eben also haben auch drey andere Personen/die  
bey diesem Actu gewesen/sich zum Catholischen Glauben be-  
kehr. Der Himlich Vatter wölle die erlödigte/vnnd  
vns alle in gutem stercken/vnd vor allem  
vbel gnedigklich behü-  
ten/Amen.

Erinne



# Erinnerung.



Er Christlich Leser verwundere sich nit ob der mening der Teuffel / damit diese Junckfraw besessen gewesen. Dieweil von Christo wir im Euangelio lesen / daß er ein ganze Legion der bösen Geister von einem Menschen außgetrieben. Welche nachmals inn die Schwein fuhren / deren bey 2000. im Meer erseufften vnd ertrenckten. Matth. 8.  
Mar. 5.  
Luce 8.

Es sol auch keinem new vnnd selzam sein / daß die bösen Geister so vil marter vnd plag den Menschen angethan. Dann wir lesen / Wie der Cananeischen Frawen Tochter sehr vom Teuffel gequelet worden / also daß sie nach dem außgetribnen Teuffel im beth ligend gefunden. Lutes Vatters besessen Son fiel offts ins Feuer / vnd offts ins Wasser / schaumet vnd knirschet mit den zähnen / der sprachlos Teuffel riß vnnd zerret / da er auß muß fahren / fuhr er auß mit grossem gewalt / daß der son da lag / als wär er todt / daß auch vil sagten / er ist todt. Ein ander besessen war so wild vnd grimmig / daß niemand dieselbig straff / wo er in gräbern wonete / wandlen künde / vnd niemand künde ihn binden / auch nit mit Ketten / dann er war offts mit fesseln vnd Ketten gebunden gewesen / vnd het die Ketten abgerissen / vnd die fessel zerrieben / vnd niemand künde in zähmen. Vnd er war allzeit / daydetag vnnd nacht auff den Bergen vnnd in den Gräbern / schrey vnnd schlug sich mit Steinen. Ein Fraw gieng achzehen Jar eingebogen einher / daß sie nicht künde vbersich sehen / oder sich aufrichten / das thet der Satanas. Wie Christus sprach / sol diese Tochter Abrahams / welche der Teuffel gebunden het / te (sihe nur bey achzehen Jaren) nicht sollen gelediget werden vom band auff den Sabbath. Einem andern besessen hat der laidige Satanas zu gleich die augen verblindt / die ohren verstopfft / vnnd die spraach genommen. Wiewol der Teuffel ein Lügner ist / vnnd ein Vatter der Lugen / doch gezwungen vnnd getrungen / muß er bisweilen wider seinen willen die warheit reden vnnd bekennen. Er schreit auß dem besessen / vnnd hiesse

Matth. 15.  
Marci 5.  
Matth. 17.  
Marci 5.  
Luce 8.  
Matth. 8.  
Luce 13.  
Matth. 12.  
Luce 11.  
Joan. 8.

Marci 15.  
Matth. 8.  
Luce 8.  
Luce 11.

Matth. 10.

Christum den Zeiligen Gottes/ welches zwar nicht erlogen/ sonder wahr ist. Dann eben disen Tittel gibt der Erzengel Gabriel Christo. Item ein Teuffel schriete auß einer besessnen Magd/ auff S. Paulum vnnnd Lucam/ vnd sprach: Dise Menschen seind Knecht Gottes des aller höchsten/ die euch den weg der Seligkeit verkündigen. Das war ein warhafftiger ed vnnnd Bekantnuß: On zweiffel werden etliche Phariseer vnnnd Juden dise geschicht lestern/ vnd nit dem H. Geist zuschreiben/ sondern vil mehr dem Beelzebub. Solches muß man geschehen lassen/ vnnnd mit Christo sprechen: Der Jünger ist nit vber seinen Meister/ noch der Knecht vber den Herrn. Es ist dem Jünger genug/ daß er sey wie sein Meister/ vnd der Knecht wie sein Herr. Haben sie den Hausvatter Beelzebub gehaissen/ wie vil mehr werden sie seine Hausgenossen also haissen. Vnnnd ein jeglich Reich/ so wider sich selb zertrennet ist/ das wird wußt/ vnnnd ein jeglich Statt oder Haus/ so mit im selb zwoyspaltig/ mag nit bestehen. So dann ein Teuffel den andern austreibt/ so ist er wider sich selbs zertheilt/ wie mag dann sein Reich bestehen.

2. Theff. 2.  
Psalm. 71.  
Psalm. 135.

Wir wissen wol/ daß der Antichrist zeichen vnd wunder werck thun werde/ aber falsche/ erlogne/ betrogne zeichen vnnnd wunderwerck. Wie S. Paulus dauon schreibt: Rechter vnnnd wahrer wunderwerck/ würcker vnd stifter/ ist allein Gott/ zum zeugknüß der seligmachenden lehr/ vnnnd zum preiß seines heiligen namens. Qui facit mirabilia magna solus.

Acto. 5.

Es sol keinem frembd fürkommen/ daß die bösen Geister nit leiden wollen/ daß durch Gottes wort vnnnd Kirchen gebet/ gesegnet/ geweicht/ vnnnd geheiligt ist/ zuuor an die heilthumb. Es ist nichts newes/ Zur zeit Christi mußten sich die Teuffel trollen. wann nur die Schwaifstüchlein des H. Pauli vber die besessne gelegt waren/ ja wann sie nur der schatten Sanct Petri vberschattet. So hats die lebendige erfarnuß von der lieben Apostel zeit her geben/ Wie auch auß der Etristen Scribenten hindergelassenen Schrifftten klar zuuernemen/ daß das Weichwasser grosse krafft hat wider die feindseligen Teuffel. Theodoretus lib. 5. Hist. Eccle. cap. 25. Tripart. Histo. lib. 9. cap. 33. Epiphanius lib. Here. 30. Clemens Romanus lib. 8. Constit. Apost. cap. 35.



Zu außtreibung der bösen Geister hilfft viel die fürbitt: Matth. 15.  
 auff die fürbitt der Cananeischen Frawen / wird ihr Tochter Mar. 9.  
 vom Teuffel erlöst/auff die fürbitt jenes Betrübten Vatters / Lucs 24.  
 wurd seinem ainigen Son von des Teuffels thyranny geholfen/  
 vnd was dergleichen exempel mehr seind.

Darumb thut der Catholisch Exorcista recht / daß er das  
 Gebet der gegenwertigen vnd auch der lieben Heiligen fürbitt  
 in der Litaney begert/damit er desto eher vnd leichter sig vnnnd  
 victori wider die vnheiligen vnnnd vnrauen Geister von Gott  
 erlangen möge.

Dieweil die Mess ein kreffrige vnd lebendige gedächtnuß  
 vnd fürbildung des leidens vnnnd sterbens Christi/dadurch dem  
 Hellschen feind sein macht benommen worden/ist wol zuge-  
 denken/dasß im nicht wol ist mit der Mess/sonder die scheucht  
 vnnnd fleucht/wie er kan vnd mag. Als Augustinus selber ein ex-  
 empel erzelt/ das seiner Priester einer die bösen Geister auß ei-  
 nem Hauß mit der Mess / die er daselbs gehalten / vertrieben  
 hab. Darumben hat der Priester vnnnd Exorcista recht daran ge-  
 than/dasß er vor dem Exorcismi Mess gehalten.

Lib. 22. de  
 ciuit. Dei.  
 Cap. 8.

Die an jenem tag sprechen werden/Herz/Herz/haben wir  
 nie inn deinem Namen Teuffeln außgetrieben/2c. Zu welchen  
 der Herz sagen würde: Ich kenne ewer nichts/weicht von mir  
 jr Vbelheter/seind nicht vnglaubige/sonder glaubige. Die wol  
 ein grossen glaubē haben/also daß sie die Berg möchten versetzē/  
 Teufel außtreiben/2c. Aber es mangelt jnen an der liebe vñ gute  
 Christlichen wandel/sind Operarij iniquitatis, Vbelheter/sonst  
 können die falschglaubige keine warzeichen thun/noch keine  
 Teuffel warhafftig außtreiben / sonder vil mehr schockweiß  
 eintreiben. Wie auß disem Exempel/das S. Lucas beschreibet/  
 abzunehmen. Es vnderwunden sich etliche der umbblauffenden  
 Juden / die da beschwoör waren / den Namen des Herin Jesu  
 anzuruffen/ober die so böse Geister hetten/vnnnd sprachen: Ich  
 beschwoör euch bey Jesu/den Paulus prediget/ die aber das the-  
 ten / waren sibem Son eines Juden/mit namen Sceue/eines  
 Oberisten Priesters/Aber der böse Geist antwortet/vnd sprach

Act. 19.

zu ihnen: Jesum kenne ich wol/vnnd Paulum weiß ich auch.  
Wer seit aber jr: Vnd der Mensch/ in dem der böse Geist war/  
sprang auff sie/vnd ward jr mechtig/vnd warff sie vnder sich/  
also daß sie nackend vnnd verwund auß demselben Hauß ent-  
flohen./c. Der Allmechtig/gnedig vnd barmherzig Gott/er-  
barne sich vber alle die jenigen/so wiewol nit leibhafftig/doch  
der Seelen nach vnd geistlicher weiß besessen seind./Amen.

Sebastianns Rhüeller auß der  
Graffschafft Görg von Sanct  
Florian / der 3. Schrift Stue-  
diosus.

